

三原金書

醫國

充統

三脈

金書

燕京內經

光緒壬辰浙江書局據明
武陵顧氏影宋嘉祐本刻

醫統正脈序

醫學之統其來遠矣自神農氏嘗百草一日而化七十
毒是有本草黃帝與岐伯天師更相問難上窮天文下
窮地理中拯民瘼而內經素問作焉其間推原運氣之
變遷闡明經絡之標本論病必歸其要用藥務協其宜
井然而有條粲然而不紊若天元紀大論六元正紀大
論五常政大論氣高變大論至真要大論數篇乃至精
至微之妙道誠萬世釋縛脫難全真導氣拯黎元於仁
壽濟羸劣於生全者之大典也軒岐以下代不乏人扁

鵠得其一二演而爲難經皇甫士安次而爲甲乙楊上
善纂而爲太素而全元起之解啟玄子之註俱彪炳璀
璨爲一時宗獨漢長沙太守張仲景揣本求源探微索
隱取大小奇偶之制定君臣佐使之宜而作醫方眞千
載不傳之秘漢唐以下學者豈不欲直探玄微而理本
深幽無徑可入如巢元方之作病源書孫思邈之作千
金方辭益繁而理愈昧方彌廣而法失真內經之書施
用者鮮矣及朱奉議宗長沙太守之論編南陽活人書
仲景訓陰陽爲表裏奉議解陰陽爲寒熱差之毫釐謬

以千里其活人也固多而其殺人也豈少哉幸守貞劉
子要旨論原病式二書旣作則內經之理昭如日月之
明直格書宣明論二書旣作則長沙之法約如樞機之
要如改桂皮麻黃各半湯爲雙解散變十棗湯爲三花
神佑丸真有功於醫門者同時有張子和者出與麻知
幾講學而作儒門事親書其曰吐中有汗瀉中有補聖
人止有三法無第四法乃不易之確論於是人知有劉
張之派矣若東垣老人明素問之理宗仲景之法作濟
拔萃十書以傳於世切脈取權衡規矩用藥體升降浮

沉而王道霸道其說大明至丹溪朱氏傷寒內傷雜病無不精研痰火與義尤其獨得宋太史濂謂其集醫家之大成誠哉是言也迨及我

朝修大觀本草製銅人俞穴針灸經以及

御賜醫方等書層見疊出

聖祖仁天下之心與軒岐一致是以明醫互興如陶節

菴之傷寒六書發仲景之所未發薛已之外科補東垣

之所未備戴元禮之證治要訣葛可久之十藥神書錢

瑛之小兒方論亦無忝於丹溪

昭代作人之功其盛矣乎不佞勉學聞見寡昧而於醫學獨加意焉竊謂醫有統有脈得其正脈而後可以接醫家之統醫之正脈始於神農黃帝而諸賢直溯正脈以紹其統於不衰猶之禪家仙派千萬世相續而不絕未可令其闕略不全使觀者無所考見也因詮次成編名曰醫統正脈而刻之

萬曆辛丑仲夏六月新安吳勉學書於師古齋中

補注黃帝內經素問序

臣聞安不忘危存不忘亡者往聖之先務求民之瘼恤民之隱者上主之深仁在昔黃帝之御極也以理身緒餘治天下坐於明堂之上臨觀八極考建五常以謂人之生也負陰而抱陽食味而被色外有寒暑之相盪內有喜怒之交侵天昏札瘥國家代有將欲斂時五福以敷錫厥庶民乃與歧伯上窮天紀下極地理遠取諸物近取諸身更相問難垂法以福萬世於是雷公之倫授業傳之而內經作矣歷代寶之未有失墜蒼周之興秦

和述六氣之論具明於左史厥後越人得其二演而述難經西漢倉公傳其舊學東漢仲景誤其論晉皇甫謐刺而爲甲乙及隋楊上善纂而爲太素一則有全元起者始爲之訓解闕第七一通迄唐寶應中太僕王冰篤好之得先師所藏之卷大爲次註猶是三皇遺文爛然可觀惜乎唐令列之醫學付之執技之流而薦紳先生罕言之去聖已遠其術晦昧是以文注紛錯義理混淆殊不知三墳之餘帝王之高致聖賢之能事唐堯之授四時虞舜之齊七政神禹修六府以興帝功文王

推六子以敘卦氣伊尹調五味以致君箕子陳五行以
佐世其致一也柰何以至精至微之道傳之以至下至
淺之人其不廢絕爲已幸矣頃在嘉祐中仁宗念聖祖
之遺事將墜于地廼詔通知其學者俾之是正臣等承
乏典校伏念旬歲遂乃搜訪中外裒集眾本寢尋其義
正其訛舛十得其三四餘不能具竊謂未足以稱明詔
副聖意而又採漢唐書錄古醫經之存於世者得數十
家敘而考正焉貫穿錯綜磅礴會通或端本以尋支或
泝流而討源定其可知次以舊目正繆誤者六千餘字

增注義者二千餘條一言去取必有稽考舛文疑義於是詳明以之治身可以消患於未兆施於有政可以廣生於無窮恭惟皇帝撫大同之運擁無疆之休述先志以奉成興微學而永正則和氣可召災害不生陶一世之民同躋于壽域矣國子博士臣高保衡光祿卿直秘閣臣林億等謹上

黃帝內經素問序

啟玄子王冰謨

新校正云按唐人物志王冰仕唐為太僕令年八十餘以壽終

夫釋縛脫艱全真導氣拯黎元於仁壽濟羸劣以獲安者非三聖道則不能致之矣孔安國序尚書曰伏羲神農黃帝之書謂之三墳言大道也班固漢書藝文志曰

黃帝內經十八卷素問卽其經之九卷也兼靈樞九卷

迺其數焉

新校正云詳王氏此說蓋本皇甫士安甲乙經之序彼云七略藝文志黃帝內經十八卷

今有鍼經九卷素問九卷共十八卷卽內經也故王氏遵而用之又素問外九卷漢張仲景及西晉王叔和脈經只爲之九卷皇甫士安名爲鍼經亦專名九卷楊玄操云黃帝內經二帙帙各九卷按隋書經籍志謂之九

靈王冰名
爲靈樞

雖復年移代革而授學猶存懼非其人而時有所隱故第七一卷師氏藏之今之奉行惟八卷爾然而其文簡其意博其理奧其趣深天地之象分陰陽之候列變化之由表死生之兆彰不謀而遐邇自同勿約而幽明斯契稽其言有徵驗之事不忒誠可謂至道之宗奉生之始矣假若天機迅發妙識玄通藏謀雖屬平生知標格亦資於詰訓未嘗有行不由逕出不由戶者也然刻意研精探微索隱或識契真要則目牛無全故動則有成猶鬼神幽贊而命世奇傑時時聞出焉則周

有秦公

新校正云按別本一作和緩

漢有淳于公魏有張公華公皆

得斯妙道者也咸曰新其用大濟蒸人華葉遞榮聲實
相副蓋教之著矣亦天之假也冰弱齡慕道夙好養生
幸遇真經式爲龜鏡而世本紕繆篇目重疊前後不倫
文義懸隔施行不易披會亦難歲月旣淹襲以成弊或
一篇重出而別立二名或兩論併吞而都爲一目或問
荅未已別樹篇題或脫簡不書而云世闕重合經而冠
鍼服併方宜而爲欬篇隔虛實而爲逆從合經和而爲
論要節皮部爲經絡退至教以先鍼諸如此法不可勝

數且將升岱嶽非逕奚爲欲言其聚無升亨適乃精勤
博訪而并有其人歷十二年方至埋要詢謀得失深遂
夙心時於先生郭子齋堂受得先師張公秘本文字昭
晰義理環周一以參詳羣疑冰釋恐散於未學絕彼師
資因而謨註用傳不朽兼舊藏之卷合八十一篇二十
四卷勒成一部新校正云詳素問第七卷亡已久矣按
皇甫士安晉人也序甲乙經云亦有亡
失隋書經籍志載梁七錄亦云止存八卷全元起隋人
所注本乃無第七王冰唐寶應中入上至晉皇甫謐甘
露中已六百餘年而冰自爲得舊藏之卷今竊疑之仍
觀天元紀大論五運行論六微旨論氣交變論五常政
論六元正紀論至真要論七篇居今素問四卷篇卷浩
大不與素問前後篇卷等又且所載之事與素問餘篇